



# कर्मध्वज





প্রাইজ ও লাইব্রেরীর জন্য মনোনীত



[ দ্বিতী-ভূমিকা বর্জিত শিশু-নাটিকা ]

যোগেশচন্দ্র বন্দ্যোপাধ্যায়  
প্রণীত

[ গানগুলি সুমিস্ত্রীল বসু কর্তৃক রচিত ]

---

দেব

সাহিত্য

কলিকতা

প্রকাশ করেছেন—

শ্রীম্‌বোধচন্দ্র মজুমদার

দেব সাহিত্য-কুটীর প্রাইভেট লিমিটেড

২১, বামাপুকুর লেন,

কলিকাতা—৯

আঁষাঢ়

১৩৪৭

ছেপেছেন—

এস্. সি. মজুমদার

দেব-প্রেস

২৪, বামাপুকুর লেন,

কলিকাতা—৯

স্বাম—

৭০ পয়সা

আমার লেখা—

বিদ্রোহী

দৌলতখান

শতবর্ষ পরে

শয়তানের ঘাঁটি

বলম্বী হিটলার

কম্যাণ্ডার কবুতর

স্বাধীনতা আগলো

কে

রাজা যযাতি

মন্ত্রী

কুলগুরু

রাজ-পুরোহিত

সিদ্ধাস্ত

শ্রীনাথ

বল্লভ

কুশধ্বজ

শেহজী

কাহারু

অযোধ্যার রাজা

ঐ মন্ত্রী

রাজা যযাতির গুরু

রাজা যযাতির পুরোহিত

অতি দরিদ্র ব্রাহ্মণ

ঐ জ্যেষ্ঠ পুত্র

ঐ দ্বিতীয় পুত্র

ঐ সর্বকনিষ্ঠ পুত্র

সুদখোর ধনী মহাজন

সুমন্ত্র সারথি, ভিক্ষুক নারায়ণ, দেহরক্ষক সৈন্তগণ,

প্রতিহারী, অমাত্যবর্গ,

রাজভৃত্যগণ



## উজ্জ্বল দৃশ্য

[ কুশধ্বজ ও কয়েকটি ঋষি-বালকের গান গাহিতে-গাহিতে প্রবেশ ]

ঘট্ ভ'রে চল্ জল আনি ভাই,  
চট্ ক'রে আজ চল্,  
রঙীন-উষায় লাল হোক্ আজ  
নীল দরিয়ার জল ।

আলো ছায়ার পথটি দিয়ে  
ঘাট্ পানে চল্ ঘট্টি নিয়ে  
কাটব সাঁতার এপার ওপার  
প্রাণ হবে শীতল ।

মাখব মোরা ফুলের রেণু,  
পরব ফুলের মালা,—  
সোহাগ-মদে ভরব মোরা  
কৃষ্ণচূড়ার ডালা ।

পদ্ম মধু পান ক'রে ভাই  
বাড়ীর পানে ফিরব সবাই,  
'প্রণব' নাদে ভরব দিশি,—  
করব কোলাহল ।





# কুশধ্বজ



## প্রথম অঙ্ক

### প্রথম দৃশ্য

স্থান—ক্ষুদ্র পল্লী ; সিদ্ধান্তের পর্ণকুটার

সময়—অপরাহ্ন । সিদ্ধান্ত ও মন্ত্রী উপবিষ্ট ।

মন্ত্রী ।—ব্রাহ্মণ ! এখনো সময় আছে, এখনো ভেবে দেখ যে, কি কঠিন কাজে তুমি উদ্বৃত্ত হয়েছ !

সিদ্ধান্ত ।—মন্ত্রিবর ! মহারাজ যযাতির বেতনভোগী কর্মচারী আপনি । রাজার কাজে বেরিয়েছেন, তাঁর মন রক্ষা করতে হবে । পিতৃভক্ত রাজা তাঁর পিতার স্বর্গকামনায় যজ্ঞ কচ্ছেন—আট বছরের ব্রাহ্মণ-বালককে সেই যজ্ঞের আগুনে আহুতি দিয়ে হোম নির্বাহ করতে হবে, এই হচ্ছে তাঁর বিধান । তাই আজ আপনার কর্তব্য, সমস্ত বিশ্ব-সংসার খুঁজে দেখতে হবে কোথায় কোন্ ব্রাহ্মণ কোটি স্বর্ণ-মুদ্রার লোভে তাঁর শিশু-পুত্রকে বলি দিতে প্রস্তুত । খুঁজে এসেছেন

## কুশধ্বজ

সকল পৃথিবী। কিন্তু বলুন তো মন্ত্রীমশাই, এক এই সিদ্ধান্ত শর্ম্মাকে ছাড়া অর্থ-পিশাচ পুত্র-বিক্রেতা আর একটি ব্রাহ্মণও পেয়েছেন কি? আপনার একমাত্র আশাশ্বল আমি, মহারাজ যযাতির যজ্ঞে প্রধান আহুতি হবে আমার দুগ্ধপোষ্য শিশু। তবে আবার আমাকেও অমন ভাবে বিগড়ে দেবার চেষ্টা করছেন কেন?

মন্ত্রী।—কেন সে-কথা জিজ্ঞেস করছ ব্রাহ্মণ?—সিদ্ধান্ত! আজন্ম-ভিখারী তুমি, জীর্ণ কুটিরে তোমার বাস। সূর্য্যোদয় হ'তে সূর্যাস্ত পর্য্যন্ত প্রত্যহ অভাবের সঙ্গে যুদ্ধ ক'রে তোমাকে তোমার অস্তিত্ব বজায় রাখতে হচ্ছে। দৈন্য যার জগতে এত বড় সমস্যা, কোটি স্বর্ণ-মুদ্রার প্রলোভন যে তার কাছে কত উঁচু, কত বিশাল—সে-কথা আমি বেশ বুঝতে পারি। কিন্তু একটা কথা আমি তবু বুঝতে পারিনি ব্রাহ্মণ!—সেটা হচ্ছে, টাকার লোভ কি এত বড় যে, বুক থেকে ছিনিয়ে মানুষ তার সোনার-চাঁদ ছেলেকে ঘাতকের হাতে তুলে দিতে পারে? ছিঃ! ব্রাহ্মণ! তুমি এমন পশু!

সিদ্ধান্ত।—মন্ত্রীমশাই! আপনি সব বুঝতে পেরেও, ভান করছেন! রাজকার্য্যে আপনার অসাধারণ দখল থাকতে পারে, আমি তা' স্বীকার করছি। কিন্তু, দৈন্যের ব্যথা আপনি কিছুই বুঝতে পারেননি', সে-কথা আমি খুব জোর-গলায় চোঁচিয়ে

## কুশলবল

বলতে পারি। জানেন মন্ত্রীমশাই, আমার আজকের ইতিহাস কি জানেন? চারটি নয়, পাঁচটি নয়, কেবল তিনটি ছেলে আমার! সেই কাল দুপুরে একবার তাদের মুখে একমুঠো ক'রে ভাত দিতে পেরেছি। তারপর হ'তে আজকে এই এতটা সময়—প্রায় সূর্যাস্ত পর্যন্ত তাদের মুখে একটা ক্ষুদ্রকণাও দিতে পারিনি! বাছারা আমার দুপুরের পর হ'তে এর মাঝে তিন-তিনবার এসেছে—ক্ষুধার্ত কুকুর যেমন কাতরভাবে তার প্রভুর মুখের দিকে তাকায়, তেমনি ভাবে আমার মুখের দিকে তাকিয়েছে—কিন্তু, মন্ত্রীমশাই! ওহোঃ—হোঃ!

মন্ত্রী।—থাক ব্রাহ্মণ! আমি সব বুঝতে পেরেছি। তুমি কাতর হয়ো না আর,—আর বলবার দরকার নেই।

সিদ্ধান্ত।—না, তা' হবে না। সব কথা আপনাকে আজ শুন্তেই হবে মন্ত্রীমশাই! কিসের কাতরতা? আজ পাশাণে বুক বেঁধে দাঁড়িয়েছি—নিজের সন্তানকে নিজে বলি দিতে উত্তত হয়েছি! কাতরতা? কোথায় কাতরতা?—শুনুন তবে, তিন-তিনবার ছেলেরা আমায় “বাবা!” ব'লে সামনে এসে দাঁড়িয়েছে, পেটের ক্ষুধায় ছটফট করছে, নিজের চোখে তা' দেখেছি। কিন্তু তা' দেখেও অব্রাহ্মণের শ্যায়, পিশাচের শ্যায়, মিথ্যে কথা ব'লে, মিথ্যে আশায় মুগ্ধ ক'রে তাদের ভাড়িয়ে দিয়েছি। এ শুধু আমার একদিনের ইতিহাস। কিন্তু

## কুশধ্বজ

আমার সমস্ত জীবন এমনধারা অসংখ্য দৈন্তের ইতিহাসে  
ভরপুর।

মন্ত্রী।—বুঝেছি ব্রাহ্মণ! তুমি পিশাচ নও। কেবল  
ঘটনাচক্রে তোমাকে আজ এমন কাজে উদ্ধত হ'তে হয়েছে।

সিদ্ধান্ত।—দৈন্তের জালা যে কত ভীষণ, কত দুঃসহ তা'  
ভুলভোগী ছাড়া আর কারো বুঝবার শক্তি নেই। দিনের পর  
দিন, মাসের পর মাস ও বছরের পর বছর—সারাজীবন  
অনাহারে ও অর্কাহারে আমাদের দিন কেটেছে। নিজে  
ককালসার হয়েছি—ব্রাহ্মণী ব্যায়রামে ভুগছেন, মুমূর্ষু,—আর  
ছেলেগুলির খেলা-ধূলা হাসি-তামাসা ক্রমশঃই যেন মলিন ও  
নিপ্রভ হয়ে নিভে আসছে! এ সমস্তই আমার দৈন্তের ফল।

মন্ত্রী।—ব্রাহ্মণ! অতীতের চিন্তা ক'রে আর বৃথা কেন  
কষ্ট ভোগ করছ? কাল পর্যন্ত তুমি দরিদ্র ছিলে, কিন্তু আজ  
এই মুহূর্ত হ'তে তুমি রাজার রূপায় একজন বিশিষ্ট ধনী।

সিদ্ধান্ত।—হাঁ মন্ত্রীমশাই! সে-কথা আমাকে বুঝিয়ে  
দিতে হবে না। 'রাজার রূপায়?'—হাঁ, রাজার রূপায় বটে;  
কারণ, এই কোটি স্বর্ণমুদ্রা তাঁরই রাজ-ভাণ্ডারে সঞ্চিত ছিল;  
কিন্তু এই রূপা লাভ করতে আমাকে যে কি মহামূল্য দিতে  
হচ্ছে, সে তো আপনার অজানা নেই মন্ত্রীমশাই!

মন্ত্রী।—না, তা' আমার ভালো রকমই জানা আছে।

নিজের হৃৎপিণ্ড ছিঁড়ে তুমি তাকে যজ্ঞের শিখায় আহুতি দিতে প্রস্তুত হয়েছ !

**সিদ্ধান্ত।**—হাঁ, প্রস্তুত হয়েছি। অগ্নান বদনে আমার দুধের ছেলে—আট বছরের সুকুমার শিশু কুশধ্বজকে—আমার সংসারের একটা উজ্জ্বল আনন্দকে আপনার হাতে সঁপে দিচ্ছি, যজ্ঞে আহুতি দেবার জন্তু। নিয়ে যান মন্ত্রীমশাই, তাকে নিয়ে যান। খুব সাবধানে নিয়ে যাবেন, যেন সে পালিয়ে আসতে না পারে। যজ্ঞের আগুন দেখে ভয় পেয়ে সে যদি টেঁচিয়ে ওঠে, মুখে কাপড় পূরে তার কথা বলবার শক্তি বন্ধ ক’রে দেবেন। যদি সে ভয়ে পিছিয়ে যায়, তাকে জোর ক’রে আগুনে ঠেলে দেবেন। তারপর মুহূর্তের মধ্যেই—

[ সিদ্ধান্তের কণ্ঠরোধ হইয়া আসিল। সে চক্ষু মুছিয়া ঢোক গিলিল।

মন্ত্রীর চক্ষু অশ্রু-সজল। তিনিও কাতরভাবে চোখ মুছিলেন। ]

**মন্ত্রী।**—ব্রাহ্মণ ! রাজার যজ্ঞ অসম্পূর্ণ থাক, সেও ভালো, তবু আমি তোমার বুক থেকে ছেলে কেড়ে নিতে চাই না।

**সিদ্ধান্ত।**—সে হয় না মন্ত্রীমশাই ! অনেক কল্পনা করেছি, অনেক স্নেহের চিন্তা করেছি ! আবার পেট পূরে খাব, সবাইকে পেট পূরে খাওয়াব ; দুঃখ-দারিদ্র্যের কোন ব্যথাই আর আমাদের বুকে বাজবে না—এমনখার্য অনেক কিছু কল্পনা

## কুশধ্বজ

আমাকে তোলপাড় ক'রে ফেলেছে। আপনি এক মুহূর্তে তা' ভেঙে দেবেন না মন্ত্রীমশাই! আমি কুশধ্বজকে খবর পাঠাচ্ছি। তিন-তিনবার সে খেতে এসে ফিরে গিয়েছে— নিরাশ হয়ে হয়তো খেলার মাঠে যেয়ে ঘুমিয়ে পড়েছে। এখন সে এসে পড়বে মন্ত্রীমশাই! আপনি ততক্ষণ হাত-মুখ ধুয়ে একটু বিশ্রাম করবেন। আসুন মন্ত্রীমশাই আমার সঙ্গে আসুন।

[ উভয়ের গ্রহণ।

## দ্বিতীয় দৃশ্য

স্থান—সিদ্ধান্তের বাগান, নানারকম শাকসব্জীতে ভরপুর।

[ সিদ্ধান্ত ও তৎপশ্চাতে মন্ত্রী প্রবেশ। সিদ্ধান্তের  
হাতে দুইখানা আসন ]

সিদ্ধান্ত।—আমুন মন্ত্রীমশাই, এই নির্জজন বাগান আমাদের  
গুপ্ত পরামর্শের বেশ উপযুক্ত হবে। [ আসন পাতিয়া ] বহুন  
আপনি, কুশধ্বজ এখনি এসে পড়বে।

মন্ত্রী।—কিন্তু, রাজী হ'লে তো হয়? তুমি তাকে বিক্রি  
করছ এবং কি জন্ম বিক্রি করছ তা' যদি সে বুঝতে পারে,  
তবেই হয়তো একটা গোল পাকিয়ে তুলবে।

সিদ্ধান্ত।—না, মন্ত্রীমশাই! কুশধ্বজ আমার তেমন ছেলে  
নয়। অতি পুণ্যের ফলে এমনধারা দু'একটি ছেলে কদাচিৎ  
আমাদের মত দরিদ্রের ঘরে এসে জন্মগ্রহণ করে। কিন্তু কি  
করব মন্ত্রীমশাই? অদৃষ্টের দোষে আজ তাকেও বিসর্জন  
দিতে বাধ্য হচ্ছি।

নেপথ্যে।—ঠাকুর! ও সিদ্ধান্ত ঠাকুর! বাড়ী আছ?

সিদ্ধান্ত।—[ চমকিত হইয়া ] ঐ রে, সেরেছে! সর্বনাশ  
উপস্থিত!



মন্ত্রী।—কেন ? কেন ব্রাহ্মণ ? ও কে ডাকছে তোমায় ?  
কেন ডাকছে ?

সিদ্ধান্ত।—সে-কথা আর জিজ্ঞেস করছেন কেন মন্ত্রীমশাই ?  
সে একজন প্রসিদ্ধ ধনী, নাম তার—শেঠজী। কুক্ষণে তার  
কাছ থেকে কিছু খার করেছিলুম, এখন তারই ফলভোগ করছি  
আমি। এই ঋণ, আর এই যমের তাগিদ, মৃত্যু পর্য্যন্ত আমার  
সঙ্গে-সঙ্গেই যাবে।

( নেপথ্যে )।—ওগো কৰ্ত্তা ! বড় যে ফিস্‌ফিস্‌ আওয়াজ  
হচ্ছে, অথচ সাড়া দিচ্ছ না ! বলি, ব্যাপারখানা কি হে !

সিদ্ধান্ত।—আমুন, আমুন শেঠজী, ভিতরে আমুন।

( শেঠজীর প্রবেশ )

শেঠজী।—হাঁ, তাতো আস্‌বো নিশ্চয়ই। কিন্তু কি হচ্ছে  
তোমার ? চুপিচুপি এইখানটায় ব'সে কি করছ ? বাড়ী  
ছেড়ে পালিয়ে এসেছ এই নির্জজন জঙ্গলের ভেতর ! কেন,  
শেঠজী যাতে কোন খোঁজ না পায়, সেই কি মৎলবখানা  
তোমার ?

সিদ্ধান্ত।—আজ্ঞে না, শেঠজী ! বিশেষ একটু কাজে এই  
ভদ্রলোকটির সঙ্গে একটা পরামর্শের জন্তে এখানে এসেছি।  
আপনাকে ফাঁকি দেবার জন্তে নয়।

শেঠজী।—আর নয় কি ঠাকুর ? ফাঁকি তো দিচ্ছ আজ

দু'বছর যাবৎ। তিন গণ্ডা পয়সা খার নিয়েছ আজ প্রায় তিন বছর হতে চ'ল্ল। কি মাসে তিন আনা স্ত্রদ—হিসেব ক'রে দেখ তো কত টাকায় দাঁড়িয়েছে। অথচ একটা পয়সা দেবার নাম নেই! তুমি তোমার ভদ্র লোকের সঙ্গে লুকিয়ে ব'সে দিব্বি পরামর্শ করছ। কি পরামর্শ তোমাদের? আবার কাউকে মোটা টাকাটা ফাঁকি দেবে সেই পরামর্শ হচ্ছে তো?

**সিদ্ধান্ত।**—শেঠজী! আপনি আমাকে যা ইচ্ছে তা' বলতে পারেন, কিন্তু ইনি একজন বিশিষ্ট সম্ভ্রান্ত ব্যক্তি। এঁকে এমন ভাবে—

**শেঠজী।**—আরে, রেখে দাও তোমার 'এমন ভাবে'! শুঁড়ির সাক্ষী মাতাল ছাড়া আর জুটবে কোথেকে? তোমার বন্ধুটির তো দিব্বি সাজ-পোষাক; তা' থেকে একটা পোষাক ফেলে দিলেও তো আমার টাকাটা মিটে যেতো! তা' করবার নাম নেই, পরের টাকা কিনা, তাই আর দেবার নামটি হচ্ছে না। আবার পরিচয় দেওয়া হচ্ছে, 'বিশিষ্ট সম্ভ্রান্ত ব্যক্তি!' জোচ্চোরের দল কোথাকার?—

**মন্ত্রী।**—সাবধান শেঠজী! মুখ সামাল ক'রে কথা বলো। এত-বড় অভদ্র তুমি, যে, একটা অপরিচিত লোক দেখেও তুমি কিছুমাত্র সংযত হচ্ছে না! তুমি আমাকেও জোচ্চোর ডাকতে সাহসী হচ্ছে! খবর্দার উল্লুক!

শেঠজী ।—কে গো তুমি আকাশের চাঁদ ? জোচোরই যদি না হও, তবে ভালোয়-ভালোয় তোমার বন্ধুর টাকা ক'টা ফেলে দিলেই তো চুকে যায়। আবার ভয় দেখানো হচ্ছে আমাকে ? আমি শেঠজী—তোমার মত কত শত লোককে আমি হাবুডুবু খাওয়াই, আর উনি কিনা সেই আমাকে—

সিদ্ধান্ত ।—শেঠজী, আপনি যা-তা' বলবেন না। আপনাকে অনুন্নয় ক'রে বলছি, আপনি আমার অতিথিকে অপমান করবেন না। আপনার টাকা শোধ দেবার বন্দোবস্ত করছি শেঠজী ! আপনি বিশ্বাস করুন। 'আমাকে আর একদিনের সময় দিন। শুধু একদিন। তবু আমার অতিথিকে অপমান করবেন না।

শেঠজী ।—আরে রেখে দাও তোমার 'অতিথি' ! ওসব ছাগল-গাধাকে যদি—

মন্ত্রী ।—চোপ রও উল্লুক ! রসো, দেখাচ্ছি তোমাকে মজা ।—

[ ২৪১২ হুইবার হাততালি দিলেন।

মন্ত্রীর দেহরক্ষক-সৈনিকের প্রবেশ। ]

শেঠজী ।—[ ভীত ও কাতরভাবে ] ও বাবা ! এ কে রে বাবা ! দোহাই বাবা তোমার ! [ মন্ত্রীর নিকট হাতযোড় করিয়া ] আমার ঘাট হয়েছে, আর কোন্ আহাম্মুক তোমাকে

## কুশধ্বজ

গাল দেয় ? [ সৈনিকের দিকে তাকাইয়া ] ওরে বাবা ! এ  
যে তক্কা-আঁটা, খোলা তলোয়ার হাতে জঙ্গী সিপাই বাবা !  
আমায় ক্ষমা করো বাবা ! তোমার পায়ে পড়ি ; দোহাই বাবা !  
আমায় ক্ষমা করো !

[ শেঠজী মন্ত্রী পায়ের উপর ধপ্ করিয়া পড়িয়া গেল ]

মন্ত্রী ।—[ শেঠজীকে ধাক্কা দিয়া সরাইয়া ফেলিয়া ] যা,  
তবে পালা উল্লুক, পালা হতভাগা !

শেঠজী ।—এই যাচ্ছি বাবা ! আর কোন্ হতভাগা  
তোমাদের কাছে আসে !

[ উঠিয়া বেগে প্রস্থান ।

মন্ত্রী ।—[ সৈনিকের প্রতি ] যাও জয় সিং, বাইরে অপেক্ষা  
করো ।

সৈনিক ।—যো হুকুম ।

[ কুর্ণিশ করিয়া প্রস্থান ।

মন্ত্রী ।—ব্রাহ্মণ ! এই তোমার উত্তমৰ্গ ? এত-বড় জংলী,  
এমন অসভ্য তোমার এই শেঠজী !

সিদ্ধান্ত ।—আপনি বলতে পারেন মন্ত্রীমশাই ! কিন্তু আমি  
তার সমালোচনা করতে অক্ষম । ঋণের দায়ে আমি তার

## কুশধ্বজ

কাছে কেনা হয়ে আছি, জিভ আমার শুকিয়ে কাঠ হয়ে গেছে, কাজেই কোনরকম মতামত প্রকাশ করতে আমি অক্ষম।

মন্ত্রী।—বুঝেছি সিদ্ধান্ত! তোমার দৈনিক দুঃখ-কাহিনীর মধ্যে একটা জিনিষ আজ আমি নিজের চোখে দেখে যাচ্ছি। যাক, কুশধ্বজ যদি রাজা হয়, তাহ'লে তোমার আর কোন দুঃখই থাকবে না। ও-রকম দু'চারটে শেঠজীকে তুমিই কেনা-বেচা করতে পারবে। কিন্তু কই? তোমার ছেলেরা তো কেউ আসছে না ব্রাহ্মণ!

সিদ্ধান্ত।—[ নেপথ্যে পদ-শব্দ শুনিয়া ] ঐ যে ছেলেদের সাড়া পাওয়া যাচ্ছে।

( নেপথ্যে )।—বাবা! তুমি আমায় ডেকেছ? কি খাবার এনেছ আজ? দাও বাবা, শীগগির খেতে দাও। আর যে থাকতে পাচ্ছি না আমি।

[ কুশধ্বজের প্রবেশ, তৎপশ্চাতে তাহার বড় ভাই ছুটিও প্রবেশ করিল ]

কুশধ্বজ।—বাবা! কাল রাত্তির হ'তে কিছুই খাইনি। আমি যে দাঁড়াতে পাচ্ছি না। কৈ? কি খাবার এনেছ?

বল্লভ।—ওরে কুশে, তা' নয়রে, তা' নয়। দেখহিস্ দু'জনারই চোখে জল! বাবার চোখে জল, আর এই ভদ্র

লোকের চোখেও জল দেখছি ! বাবা, কি হয়েছে তোমাদের ?  
একি ! তুমি কথা কইছ না কেন ? তোমার কি হয়েছে বাবা ?  
ইনি কে ? ইনি কি তোমায় গালমন্দ করেছেন ?

কুশধ্বজ ।—তবু কথা কইছ না বাবা ? তবে ডেকেছ কেন  
আমায় ? আমি তো দিকি ঘুমিয়েছিলুম, তবে ডেকে পাঠালে  
কেন বাবা ? একি ?—তবু তুমি চুপটি ক’রে ব’সে আছ  
বাবা ? তোমার মাথা নীচু, চোখে জল ; মুখ তোমার কালো  
হয়ে গেছে ! বলো, বাবা বলো, কি এমন ব্যথা তোমাকে  
আজ এমন আকুল ক’রে তুলেছে ? বলো, সব কথা খুলে বলো ।  
তোমার পায়ে পড়ি বাবা, একটিবার সব কথা খুলে বলো । আমি  
এতটুকু ব’লে ঘৃণা করছ তুমি ? তাই কি কিছুই আমাকে বলতে  
চাও না ? কেন, আমি কি তোমার কোন উপকারই করতে  
পারি না ? আমার দ্বারা যদি সম্ভবপর হয়, আমি আমার  
জীবন দিয়েও তোমার দুঃখ দূর করব—এটা তুমি বেশ ভালো  
ক’রে জেনে রেখো বাবা !

সিদ্ধান্ত ।—কুশধ্বজ ! সে কথা জানি ব’লেই আজ তোমায়  
ডেকে পাঠিয়েছি । তুমি তো জানো বাবা, অভাবের তাড়নায়  
কতদিন তোমাদের না খেয়ে থাকতে হয়েছে । আমরাও  
অস্থিচর্মসার হয়ে পড়েছি । কিন্তু আজ—আজ তুমি যদি  
স্বীকার করো, তোমার যদি ইচ্ছা হয়, তবে এক মুহূর্তে আমরা

## কুশধ্বজ

সমস্ত দারিদ্র্য হ'তে মুক্তিলাভ করতে পারি। তাই তোমাকে ডেকেছি বাবা !

কুশধ্বজ ।—বাবা ! সে কি কথা !—আমি ইচ্ছে করলে তোমাদের দারিদ্র্য দূর হ'তে পারে ! এ কথার অর্থ কি বাবা ? তবে কি আমায় বিক্রি ক'রে তোমাদের অভাব দূর করতে চাও ? বেশ, তাই যদি হয়, তবে তাতেও আমার আপত্তি নেই। আমি হাসিমুখে তা' স্বীকার করছি। করো বাবা, আমায় বিক্রি ক'রে সংসারের অবস্থা ভালো করো। আমি হাসিমুখে সম্মতি দিচ্ছি।

সিদ্ধান্ত ।—আমি তাই করেছি কুশধ্বজ ! এই আমার স্ত্রুখে মহারাজ যযাতির প্রধান মন্ত্রী ব'সে আছেন। তোমায় তাঁর হাতে সঁপে দিলে তিনি আমাকে এক কোটি মোহর দেবেন। ওরে, এক কোটি মোহর। একটি চু'টি নয়, এক কোটি ! সে যে কত-বড় সম্পত্তি, তুমি তা' ভালো ক'রে বুঝতে পারবে না। তুমি—

বল্লভ ।—আচ্ছা বাবা, এই মন্ত্রীমশাই আমাদের কুশেকে নিয়ে কি করবেন ?

সিদ্ধান্ত ।—ওরে, সেটা আমি ভালো ক'রে বলতে পারব না। আমার মুখ থেকে সেটা বেরুতে চায় না রে বল্লভ ! সে আমি বলতে পারব না।

বল্লভ ।—সে আবার কেমন কথা বাবা ! আচ্ছা মন্ত্রীমশাই ! তাহ'লে আপনিই একটু দয়া ক'রে সে-কথাটা খুলে বলুন না কেন ? আমাদের কুশেকে দিয়ে আপনার কোন্ কাজটা হবে মন্ত্রীমশাই ?

মন্ত্রী ।—ব্রাহ্মণ ! সিদ্ধান্ত ! কিছুই গোপন করবার আবশ্যকতা দেখছি না । সব কথা খুলে বলাই ভালো । ওহে বালক ! আমাদের মহারাজ যযাতি খুব বড় একটা যজ্ঞ করছেন । যজ্ঞ সম্পূর্ণ হ'লে তাঁর পিতার স্বর্গলাভ হ'বে । কিন্তু আট বছরের একটি ব্রাহ্মণ-বালককে যজ্ঞের আগুনে আহুতি দিলে তারপর যজ্ঞ সম্পূর্ণ হবে । তাই মহারাজ ঘোষণা করেছেন, যে ব্রাহ্মণ তাঁর আট বছরের পুত্রকে যজ্ঞে আহুতি দেবার জন্য আমাদের হাতে সঁপে দেবেন, তাঁকে তাঁর পুত্রের মূল্য বাবদ এক কোটি স্বর্ণমুদ্রা দেওয়া হবে ।

বল্লভ ।—কি ? আহুতি ! আহুতি কি মশাই ? আগুনে ফেলে দেওয়া ? বটে ! কুশেকে যজ্ঞে আহুতি !—বাবা ! তবে কি তুমি টাকার লোভে কুশেকে পুড়িয়ে মারতে রাজী হয়েছ ? ছিঃ ছিঃ ! তুমি তো কখনো এমন ছিলে না বাবা ! এত-বড় তোমার টাকার লোভ ! বলো, বাবা বলো, কি করবে তুমি অমন টাকা নিয়ে ?

সিদ্ধান্ত ।—কি করব ? বল্লভ ! তোরা যখন শিশুর



জালায় ছট্‌ফট্‌ ক'রে আমার কাছে এসে দাঁড়াস্, তখন কেন তোদের মিছে কথা বলে তাড়িয়ে দিতে হয় তা' জানিস্ ?

বল্লভ ।—খুব জানি বাবা, খুব জানি । তার কারণ হচ্ছে তুমি দরিদ্র । এই তো ?—কিন্তু তা' হ'লেও তুমি কত উন্নত, কত মহান্ ! এক মুঠো ভাতের যোগাড় হ'লেই তুমি নিজে না খেয়ে আমাদের খাইয়েছ ; যোগাড় না হ'লেও কত আশ্বাস দিয়ে, কত আশার বাণী শুনিয়ে আমাদের সবাইকে সজীব ক'রে রেখেছ । সেই তুমি—অমন স্নেহময় তুমি আজ কুশেকে পুড়িয়ে মারতে রাজী হ'লে ? এ কি সম্ভব বাবা ?

মন্ত্রী ।—নিতান্ত অসম্ভব হ'লেও তোমার পিতা তাতেই সম্মতি দিয়েছেন । বালক ! এর পরে কি তোমার সম্মতির জন্তও আমাদের অপেক্ষা করতে হবে ?

কুশধ্বজ ।—কিছুমাত্র প্রয়োজন নেই মন্ত্রীমশাই ! পিতা আমার যত কঠিন আদেশই করুন না কেন, তাই আমার শিরোধার্য । আমার দাদারা চিরদিনই আমাকে খুব ভালোবাসেন । আমি চ'লে গেলে তাঁদের প্রাণে বিষম আঘাত লাগবে ! কাজেই তাঁরা যদি দু'একটি কড়া কথা ব'লেই ফেলেন, তবে তাঁদের ক্ষমা করবেন মন্ত্রীমশাই !

মন্ত্রী ।—সিদ্ধান্ত ! সোনার চাঁদ ছেলে তোমার । এমন ছেলের তুমি পিতা, তুমি যথার্থই ধন্য ।

## কুশধ্বজ

সিদ্ধান্ত ।—মন্ত্রিবর ! আমায় উপহাস করবেন না । স্বর্গের দেবতা শাপভর্য্য হয়ে আমার কুর্টারে এসে জন্মগ্রহণ করেছিল । কিন্তু এমন হতভাগা আমি, যে তাকে আগুনে বিসর্জন দিতে উদ্বৃত্ত হয়েছি !

কুশধ্বজ ।—তুমি কাতর হচ্ছে কেন বাবা ? তুমিই তো শিখিয়েছ যে, মাঝে-মাঝে নারায়ণ আমাদের বিপদে ফেলে আমাদের ধৈর্য্য ও ভক্তির পরীক্ষা ক'রে থাকেন । আমার তো মনে হচ্ছে বাবা, এও একটা বিষম পরীক্ষা মাত্র । তাই যদি না হয়, আজ আমরা এমন অবস্থায় আসব কেন ?

মন্ত্রী ।—কুশধ্বজ ! জীবনে অনেক লোক দেখেছি, অনেক রকম কথা শুনেছি । কিন্তু তোমার কথাগুলি এমন মধুমাখা যে, তা' যেন প্রাণে কেমন একটা আনন্দ ঢেলে দেয় ! তোমার মত ছেলে—স্বর্গের পারিজাত । এমন একটি রত্নকে, এমন সোনার চাঁদ দেব-শিশুকে আমি আজ আমার এই বৃদ্ধ বয়সে মৃত্যুর বুথে টেনে নিয়ে যাচ্ছি,—এ যে আমার জীবনে কত-বড় অভিশাপ, তা' তোমায় কেমন ক'রে বুঝিয়ে বলব বাবা ?

[ মন্ত্রী দুই হাতে তাঁহার চক্ষু মুছিলেন ।

যাক্, তাহ'লে এ-বিষয়ে তোমার সম্মতি আছে ব'লে আমি মেনে নিতে পারি, কুশধ্বজ ?

কুশধ্বজ ।—হাঁ, মন্ত্রীমশাই, আমি আহ্লাদের সহিত আমার

## কুশধ্বজ

সম্মতি দিচ্ছি। কেবল তাই নয়, আমার বড় দু' ভাই কাছে থাকতে—ক্ষুদ্র আমি, আমার দ্বারা যে, সংসারে এত-বড় একটা উপকার হ'তে পারে, আপনি যে আমায় এমন একটা যোগ্যতা দিয়েছেন—আপনার অনুগ্রহে আমি যে এতটা উপযুক্ত ব'লে নিজেকে প্রমাণ করবার সুযোগ পেয়েছি, সেজন্য আপনার কাছে আমি কৃতজ্ঞ। আপনি আমার প্রণাম গ্রহণ করুন মস্ত্রিবর !

[ কুশধ্বজ প্রণাম করিল।

বল্লভ।—ওরে সর্ববনেশে কুশে ! তবে কি তোরও মাথা ধারাপ হয়ে গেছে ? আঙুনে পুড়ে মরবার জন্য এত আগ্রহ তোর ! বেশ, তবে তাই হোক। মন্ত্রীমশাই ! শুধু কুশে নয়, কুশের সঙ্গে দয়া ক'রে আমাকেও নিয়ে চলুন। আমিও আপনাদের যজ্ঞে অহুতি হবো মন্ত্রীমশাই !

মন্ত্রী।—তা' কি হ'তে পারে বল্লভ ? রাজার আদেশ,—শুধু অষ্টমবর্ষীয় ব্রাহ্মণ-বালক যজ্ঞে অহুতি হবে। তার চেয়ে কম বা বেশী বয়সের কোন বালককে অহুতি দেওয়া হ'তে পারে না। বিশেষতঃ, একটি মাত্র বালক আমাদের প্রয়োজন। তোমাকে নিয়ে কি করব বল্লভ ?

বল্লভ।—আপনার পায়ে পড়ি মন্ত্রীমশাই, হয় আমার প্রাণের ভাই কুশেকে ছেড়ে দিয়ে যান, নয় আমাকে শুদ্ধ ওর

সঙ্গে যেতে অনুমতি দিন। কুশেকে ছেড়ে আমি যে কোন-  
রকমেই বেঁচে থাকতে পারব না।

কুশধ্বজ ।—কেন দাদা, অত কাতর হচ্ছে ? ঈশ্বরের বিধান,  
পিতার ইচ্ছা ও তোমাদের সকলের আশীর্বাদ ও ভালোবাসা  
মাথায় নিয়ে আমি আজ আত্মবলি দিতে যাচ্ছি। একটা আজন্ম  
দরিদ্রের সংসারে লক্ষ্মীর উজ্জ্বল শ্রী ফুটে উঠবে, ধন-ধান্য ঐশ্বর্য-  
সম্পদে তাতে সোনার আলো হেসে উঠবে—কিন্তু তা' সবই কেবল  
আমার আত্মবলির উপর নির্ভর করছে ! এমন যে স্বর্ষের বলি,  
এমন যে গৌরবের মৃত্যু, আমাকে তাতে বাধা দিও না দাদা ! তুমি  
ভালোবেসে আমায় আশীর্বাদ করো দাদা, আমায় বিদায় দাও।

( গান )

এবার আমি যাই—

পায়ের ধূলো দাও গো দাদা—সময় বেশী নাই।

মরণ সে তো সবার আছে

দু'দিন আগে দু'দিন পাছে—

যে মরণে গর্ভ আছে,—সেটাই আমি চাই।

পরের হিতে আত্মবলি—সহজ সে তো নয়—

মরণ হবে মনোহরণ,—কিসের মরণ-ভয় ?

স্মরণ করেন রাজা আমার ভাগ্য ভালো তাই—

এবার আমি যাই।

[ কুশধ্বজ হাঁটু গাড়িয়া দাখান সম্মুখে ভূপতিত হইল ]

বল্লভ ।—আয় কুশে, আয় ভাই !—[ কুশধ্বজকে বক্ষে জড়াইয়া ] বিদায় ?—তোমর দাদার কাছে আজ তুই বিদায় চাইতে এসেছিস্ ভাই ? কেমন ক’রে তোকে বিদায় দেব রে কুশে ?—

কুশধ্বজ ।—দাদা ! তুমি যদি অমনভাবে চোখের জল ফেলতে থাকো, তবে যে আমারও বুকটা দমে যাবে দাদা ! আমার যে বুকটা তাহ’লে নরম হয়ে যাবে । দাদা ! ঐ দেখ, বাবার দিকে চেয়ে দেখ । তুমি কি মনে করো যে, বাবার কোন দুঃখ হচ্ছে না ? তাহ’লে সেটা তোমার একটা বিষম ভুল । বাবাকে সান্ত্বনা দাও, আর মাকে সান্ত্বনা দিও দাদা ! আমি যাচ্ছি, তোমরা রইলে । মা’র কাছে বিদায় চাওয়া হ’ল না । তাঁর সঙ্গে দেখা করতে গেলেই গোলমাল বেধে যাবে । মা ও বাবার সেবার ভার এখন হ’তে তোমাদের উপর রইল । বড়দা ! তুমি যে কিছুই বলছ না ?

শ্রীনাথ ।—কুশে ! আমি অবাক হয়ে গেছি তোদের ব্যাপারখানা দেখে ! আগুনের বুকে ঝাঁপিয়ে পড়তে তোমর এত আগ্রহ ! আশ্চর্য্য বটে !—বয়সে তোমর চেয়ে আমি অনেক বড় ; কিন্তু আজ তোমর সাহস দেখে তোকেই ‘দাদা’ ব’লে ডাকতে ইচ্ছে হচ্ছে । কুশে ! একটা প্রশ্ন শুধু আমার বুকের দোরে বার-বার এসে আঘাত করছে । সে প্রশ্নটা হচ্ছে এই

## কুশধ্বজ

যে, বাবা কার খিদে মেটাবার জন্য এমন কাজে সম্মতি দিয়েছেন?—তিনি কি আমাদের খিদেটা এত বেশী দেখে-ছিলেন যে, তার জন্য আজ তোকে আগুনে পুড়িয়ে মারতে তিনি রাজী হয়েছেন? তিনি—

কুশধ্বজ।—দাদা! তোমার—

শ্রীনাথ।—চুপ্ কর কুশে! কোন দিন কথার অবাধ্য হোস্নি। চ’লে যাচ্ছিस् আজ, জন্মের মত চ’লে যাচ্ছিस्; আজও আমার কথায় বাধা দিস্নে ভাই! তোর সুমুখে আজ বুক খুলে আমার শেষ কথাটা ব’লে নিই। অনেক কথা কইব জীবনে, কিন্তু তুই তো আর শুনতে আসবিনে। বাবা! কুশের সামনে তোমাকে আজ দু’-একটি কথা বলব, অপরাধ হ’লে আমার দোষ ক্ষমা ক’রো বাবা। খিদেয় জ্বালা সইতে না পেরে জীবনে অনেক দিন তোমাকে বিরক্ত করেছি, সে-কথা সত্যি বটে; কিন্তু তুমি একদিনও কেন বল্লো না যে, ‘ওরে হতভাগা, যদি পেট পূরে খেতে চাস্, তবে কুশের মায়া ছেড়ে দে। পেট পূরে খেতে হ’লে ওকে আগুনে পুড়িয়ে মারতে হবে।’ তা-হ’লে দেখতে বাবা—

কুশধ্বজ।—বড় দা—

শ্রীনাথ।—চুপ্ কর কুশে! গলদটা কোথায়, তা’ বুঝিয়ে দিচ্ছি। বাবা! তুমি যদি একবারও সেরকম আভাস দিতে,

## কুশধ্বজ

তাহলে দেখতে, তোমার শ্রীনাথ আর বল্লভ মাটি কামড়ে প'ড়ে থাকত, তবু একটা কাতর যন্ত্রণাও তাদের মুখ থেকে ফুটে বেরত না; এক যুঠো ভাতের জন্তুও তারা তোমাকে আর কিছুমাত্র বিরক্ত করত না। কিন্তু সে-কথা সোজাসুজি না ব'লে এ তুমি কেমন ব্যবস্থা করলে বাবা? কালকে তুমি যখন কোটি স্বর্ণমুদ্রার অধীশ্বর হয়ে শান্তিলাভের চেষ্টা করবে,—তোমার কুশে যে তখন আগুনে পুড়ে ছাই হয়ে যাবে বাবা!—

[ শ্রীনাথের পতন ও মূর্ছা।

সিদ্ধান্ত।—ওরে শ্রীনাথ! শ্রীনাথ! কুশে রে আমার!—

[ সিদ্ধান্তের মূর্ছা।

কুশধ্বজ।—দাদা দেখ, দেখ, বড় দা ও বাবা বুঝি অচৈতন্য হয়ে প'ড়ে গেলেন। মা'র কাছে আর যাওয়া হ'ল না দাদা! তিনি তাহ'লে কিছুতেই আমায় যেতে দেবেন না। আমার অভাবে তোমরা তাঁকে সাস্তুনা দিও দাদা! মন্ত্রীমশাই, আর দেরী করবেন না। চলুন, এই অবসরে আমাদের স'রে পড়াই ভালো।

মন্ত্রী।—চলো তবে, চলো বাপ!—গোলাম আমি, হুকুমের চাকর। তাই আজ এমনখারা কাজ করতেও আমি বাধ্য। কিন্তু আমার কৰ্ম্মফল যাবে কোথায়?

## কুশধ্বজ

নরক—শত-সহস্র নরক—লক্ষ নরক আমার জগত  
পরকালে অপেক্ষা করছে তা' আমি বেশ বুঝতে পাচ্ছি। চলো,  
চলো কুশধ্বজ, ঘাতকের সঙ্গে চলো। সারথি! রথ সাজাও,  
এই যুদ্ধে।

নেপথ্যে।—যে আজ্ঞা।

[ কুশধ্বজকে টানিয়া লইয়া মন্ত্রীরা গ্রহণ।

বল্লভ।—কোথা' যাস, ওরে কুশে! সত্যি করেই গেলি  
ভাই? কুশে!—কুশে রে আমার!

[ কুশধ্বজ ও মন্ত্রীরা পশ্চাতে পাগলের মত বল্লভ

বেগে বাহির হইয়া গেল ]



## দ্বিতীয় অঙ্ক

### প্রথম দৃশ্য

স্থান—অযোধ্যার রাজসভা। সময়—সন্ধ্যা। মহারাজ  
যযাতি, রাজ-পুরোহিত, কুলগুরু ও অমাত্যবর্গ  
আসনে উপবিষ্ট। সিংহাসনের উভয় পার্শ্বে  
দেহরক্ষকগণ ও দ্বারদেশে  
প্রতিহারী দণ্ডায়মান।

যযাতি।—গুরুদেব! মন্ত্রী যে এখনও ফিরে এলেন না।  
আজ বহুদিন যাবৎ এই পুণ্যযজ্ঞের অনুষ্ঠান করা হয়েছে;  
পিতার আদেশ—অষ্টমবর্ষীয় ব্রাহ্মণ-শিশুকে আহুতি দিয়ে যজ্ঞ  
পরিপূর্ণ করতে হবে, নৈলে তাঁর স্বর্গলাভ অসম্ভব। তাই একটি  
ব্রাহ্মণ-কুমারকে কিনে আনবার জন্য আমার বহুদর্শী সূচতুর  
মন্ত্রীকে কোটি স্বর্ণ-মুদ্রা সঙ্গে দিয়ে পাঠিয়েছি। কিন্তু সেও যে  
আজ অনেক দিন। তবু কৈ? মন্ত্রী যে এখনো ফিরে এলেন  
না গুরুদেব!

কুলগুরু ।—মহারাজ ! ব্রাহ্মণবংশে কে এমন চণ্ডাল আছে,  
যে অর্থলোভে তার অষ্টমবর্ষীয় বালককে অগ্নিতে আহুতি দিতে  
সম্মত হবে ?

১ম অমাত্য ।—এ যে সম্পূর্ণ অসম্ভব ব'লে মনে হচ্ছে  
মহারাজ !

যযাতি ।—তবে উপায় ? আমার পিতার স্বর্গ-কামনায় যে  
যজ্ঞের উদ্‌যাপন করেছি, তার কি সম্পূর্ণ করতে পারব না ?  
যাও, প্রতিহারী ! জেনে এসো, মন্ত্রী এখনও ফিরে এসেছেন  
কি ?

প্রতিহারী ।—যে আজ্ঞে মহারাজ !

[ অভিবাদন করিয়া প্রস্থান করিল ।

রাজ-পুরোহিত ।—মহারাজ ! বুঝতে পারি না, যজ্ঞাধিপতি  
বিষ্ণুদেবের এ আবার কোন্ অপরূপ লীলা ! যা-তা জিনিষ  
দিয়ে নয়, একটি অষ্টমবর্ষীয় ব্রাহ্মণ-শিশুকে যজ্ঞে আহুতি দিতে  
হবে । তা' নইলে তাঁর যজ্ঞের পরিসমাপ্তি হবে না ! ওকি !  
ও কিসের শব্দ ! রথের শব্দ নয় ?

২য় অমাত্য ।—হাঁ মহারাজ ! রথের ঘর্ঘর শব্দই বটে ।  
নিশ্চয়ই—

যযাতি ।—প্রতিহারী !

## কুশধ্বজ

[ প্রতিহারীর প্রবেশ ]

**প্রতিহারী** ।—মহারাজ !—বায়ুবেগে রথ ছুটে আসছে ।  
মন্ত্রিবর ও তাঁর কোলে একটি বালককে দেখা যাচ্ছে !

**যযাতি** ।—[ ব্যাকুলভাবে অতি আশ্বলাদের সহিত ] যাও,  
যাও প্রতিহারী, তাঁদের এখনই নিয়ে এসো ।

**প্রতিহারী** ।—যে আজ্ঞা ।

[ অভিবাদন করিয়া প্রস্থান করিল ।

**যযাতি** ।—[ শাস্তির নিঃশ্বাস ফেলিয়া ] দেখি এইবার  
পূর্ণ-মনস্কাম ! [ করযোড়ে উর্দ্ধদৃষ্টিতে ] পিতা ! কতদিন ?  
আর কতদিন তুমি এমন নরকযন্ত্রণা ভোগ করবে ? আশীর্বাদ  
করো পিতা, তোমারই আদেশে যে-যজ্ঞের অনুষ্ঠান করা হয়েছে,  
আজ তার পরিসমাপ্তি হোক, তোমারও অক্ষয় স্বর্গলাভ হোক ।

[ প্রতিহারীর সহিত মন্ত্রী, তৎপশ্চাতে

গ্লানমুখে কুশধ্বজের প্রবেশ ]

**মন্ত্রী** ।—আর, এই রাজভৃত্য মন্ত্রীর অনন্ত নরকবাসের  
ব্যবস্থা হয়ে যাক ।

**যযাতি** ।—সে কি কথা মন্ত্রিবর ! আমার এই পুণ্যযজ্ঞে  
আপনি আমার প্রধান সহায় । আপনার মুখে এমন কথা কেন ?

**মন্ত্রী** ।—কেন ? তা' একবার এই বালকের চাঁদপানা মুখের  
দিকে তাকিয়ে দেখুন । তারপর বলুন মহারাজ ! এমন

## কুশধ্বজ

দুঃখপোষ্য স্কুমার ব্রাহ্মণ-বালককে যে মৃত্যুর মুখে টেনে নিয়ে আসে, তার বিধান কি স্বর্গ, না নরক ?

**কুলগুরু ।**—বুঝেছি মন্ত্রী, কোথায় তোমার আঘাত ! যজ্ঞের অনুষ্ঠান করেছেন রাজা, তাঁর পিতার আদেশে । আর তুমি তাঁর সাহায্য করছ কর্তব্যের অনুরোধে । সুতরাং মুক্ত তুমি, পাপ-পুণ্যের বিচার হ'তে তুমি সম্পূর্ণ মুক্ত । যাক, এখন সে-চিন্তার সময় নয় । [ কুশধ্বজের প্রতি ] এসো বালক ! তুমি এইবার এইখানে এসে বসো দেখি ।

[ কুশধ্বজ কুলগুরুর পার্শ্বে ঘাইয়া বসিল ।

[ চিবুকে হাত দিয়া ] আ মরি ! মরি ! স্বর্গ হ'তে একটা চাঁদের কণা যেন আজ এই রাজসভায় খসে পড়েছে ! বালক ! তোমার নাম ?

**কুশধ্বজ ।**—শ্রীকুশধ্বজ দেবশর্মা ।

**কুলগুরু ।**—তোমার পিতার নাম কি বালক ?

**কুশধ্বজ ।**—আমার পিতার নাম শ্রীসিন্ধাস্ত দেবশর্মা ।

**যযাতি ।**—পিতার নামের পূর্বে 'শ্রী' বলছ বালক ! তবে তিনি বেঁচে আছেন ? পিতা বেঁচে আছেন, তাহ'লে কোন্ প্রাণে তিনি সামান্য অর্থলোভে—

**কুলগুরু ।**—মহারাজ ! একি দুর্বলতা !—আপনার পক্ষে

## কুশধ্বজ

এমন দুর্বলতা আজ শোভা পায় না মহারাজ ! কর্তব্য, শুধু  
কঠোর কর্তব্যের কথা চিন্তা করুন রাজন্ ।

মন্ত্রী ।—হাঁ, ঠিক বলেছেন গুরুদেব ! যে কর্তব্যের অনুরোধে  
—বন্ধ আমি—পুত্রের পিতা হয়ে, আর-এক হতভাগ্য পিতার  
বুক থেকে এমন একটা আনন্দের ধনি কেড়ে নিয়ে এসেছি ;  
যে কর্তব্যের অনুরোধে এর পীড়িতা মাতাকে না জানিয়ে,  
চিরদিনের মত তাঁর অন্ধের নড়িকে চুরি ক’রে নিয়ে এসেছি ;  
যে কর্তব্যের অনুরোধে এর অচৈতন্য পিতা ও এক ভ্রাতাকে  
অসহায় অবস্থায় রেখে ও অপর ভ্রাতাকে কোনরূপে রথের  
চাকা হ’তে মুক্ত ক’রে পালিয়ে এসেছি,—সেই কর্তব্য, সেই  
বজ্রের মত কঠোর কর্তব্য আজ আপনাকেও দানবের মত  
শক্তি-সম্পন্ন ক’রে তুলুক মহারাজ !

রাজ-পুরোহিত ।—মহারাজ ! বৃথা সময় নষ্ট ক’রে কোন  
লাভ নেই । অনুমতি হয় তো শুভ-কার্যের আয়োজন করা  
যেতে পারে ।

বঘাতি ।—গুরুদেব ! তাহলে আদেশ করুন—যজ্ঞ-  
সমাপ্তির উদ্বোধন করা যাক ।

কুলগুরু ।—হাঁ মহারাজ ! শুভ-মুহূর্তে যজ্ঞ পরিপূর্ণ হোক ।  
আমি স্বচ্ছন্দে তাতে অনুমতি দিচ্ছি ।

[ কুশধ্বজের প্রতি ] ওহে বালক, কুশধ্বজ ! তোমাকে

## কুশধ্বজ

যে কিজন্য এখানে আনা হয়েছে, তা' তোমার নিশ্চয়ই জানা আছে ?

কুশধ্বজ ।—হ্যাঁ ঠাকুর ! আমি তা' ভালোকপেই জানি এবং আমি সেজন্য প্রস্তুত হয়েই এসেছি ।

কুলগুরু ।—উত্তম । তবে শাস্ত্রীয় বিধান মতে তোমাকে এখন স্নান ক'রে মালা-চন্দন ও পবিত্র বস্ত্রে স্নশোভিত হ'তে হবে । তোমাকে তাহ'লে এখন স্নান করতে যেতে হয় বালক !

কুশধ্বজ ।—আপনারা যা আদেশ করবেন, তাই হবে গুরুদেব ! আমার শুধু একটা প্রার্থনা আছে । যজ্ঞকুণ্ডে লাফিয়ে পড়'বার আগে আমি একবার আমার মাকে জন্মের মত ডেকে নেবো ।

কুলগুরু ।—আচ্ছা, তা' নিও । কিন্তু তার চেয়ে তোমার উচিত হবে, যজ্ঞেব অধীশ্বর ভগবান্ বিষ্ণুর চরণে আত্মসমর্পণ করা ।

কুশধ্বজ ।—সে কি-রকম ক'রে করবো গুরুদেব ? আমি যে মন্ত্র-তন্ত্র পূজাবিধি কিছুই জানি না ।

কুলগুরু ।—কিছুই দরকার নেই বালক ! শুধু মুখের কথায় —একমনে তাঁকে ডেকে বলবে যে, “হে নারায়ণ ! তুমি আমাকে গ্রহণ করো,—সব দুঃখ, ফলাফল সমস্তই আজ তোমার

## কুশধ্বজ

পায়ে ঢেলে দিছি—আমার নিজে'কে তোমারই চরণে বিলীন  
ক'রে দিছি ভগবন্ !”

**কুশধ্বজ ।**—গুরুদেব ! কি সুন্দর আপনার উপদেশ !  
প্রাণে আমার নূতন ঢেউ খেলে যাচ্ছে ! জয় গুরুদেব ! জয়  
ভগবান্ ! জয় নারায়ণ ! জয় লক্ষ্মীনারায়ণ !

[ কুশধ্বজ চক্ষু মুদ্রিয়া ভক্তিভরে মাথা  
নত করিয়া উদ্দেশে প্রণাম করিল ।  
তারপর চক্ষু খুলিয়া কহিল ]

প্রস্তুত আমি গুরুদেব !

**কুলগুরু ।**—উত্তম । প্রতিহারী ! যাও, বালককে নিয়ে  
যাও । স্নান ইত্যাদি মাস্তুলিক কার্য্য শেষ ক'রে একে যজ্ঞ-  
কুণ্ডের কাছে নিয়ে এসো ।

**প্রতিহারী ।**—যথা আজ্ঞা !

[ কুশধ্বজকে লইয়া প্রস্থান ।  
সভার সকলেই চক্ষু মুছিল ]

**ঘযাতি ।**—চ'লে গেল ! একটা বিদ্যাতের ছটা, করুণার  
প্রতিমূর্ত্তি, ভক্তির উৎস, প্রেমের দেবতা—বিশ্বের অপরূপ একটা  
সৌন্দর্য্য, আনন্দের জলধি এই বালক কুশধ্বজ ! মুহূর্ত্তের মাঝে  
বুকের পাতে একটা অক্ষয় দাগ কেটে চ'লে গেল !

**মন্ত্রী ।**—মহারাজ ! দুর্ব্বল চিন্তা এসে আপনাকে ব্যাকুল

## কুশধ্বজ

ক'রে ফেলেছে ! কিসের চিন্তা ? আট বছরের ব্রাহ্মণ-বালক যে-দুর্বলতা স্বেচ্ছায় ঝেড়ে ফেলে দিয়ে এসেছে, সে-দুর্বলতা কি আপনার পক্ষে শোভা পায় মহারাজ !

যযাতি ।—স্বেচ্ছায় কি এসেছে এই বালক ?

মন্ত্রী ।—হ্যাঁ মহারাজ ! বালক স্বেচ্ছায় আপনার যজ্ঞে বলি হবার জন্ত আত্মনিবেদন করতে এসেছে । আজন্ম-ভিখারী এই ব্রাহ্মণের সন্তান, পিতার দৈন্য-দশা দূর করবার জন্ত স্বেচ্ছায় মৃত্যুকে ডেকে নিয়েছে । যাক্, আর সে কথায় লাভ কি মহারাজ ? অতীত য', তা' চ'লে গেছে । কেবল বর্তমান চিন্তা করাই বুদ্ধিমানের কাজ ।

রাজ-পুরোহিত ।—হ্যাঁ মহারাজ ! “গতশ্চ শোচনা নাস্তি”, তবে আর ভেবে কি ফল ? এতক্ষণে বালককে বোধ হয় যজ্ঞকুণ্ডের কাছে আনা হয়েছে । আমাদেরও এখন সেখানে যাওয়াই সঙ্গত ।

যযাতি ।—হ্যাঁ, তবে তাই হোক । চলুন গুরুদেব ! চলুন মন্ত্রীমশাই, আপনারা সবাই চলুন । এখন যজ্ঞ-সমাপ্তির আয়োজন করা যাক্ ।

[ রাজা গাত্রোথান করিলেন এবং অগ্রে  
কুলগুরু, রাজ-পুরোহিত—তৎপশ্চাতে রাজা,  
মন্ত্রী ও অগ্ৰাণ্ণ অমাত্যবর্গ সকলেই লভাগৃহ  
পরিত্যাগ করিলেন ]

---



## দ্বিতীয় দৃশ্য

[ অঘোধ্যা-প্রাসাদের সম্মুখস্থ প্রান্তর। তাহার একদিকে  
চন্দ্রাতপের নীচে রান্ধা, মন্ত্রী, কুলগুরু, রাজ-পুরোহিত  
ও অমাত্যবর্গ সমাসীন। অপরদিকে দৃশ্যের বহির্ভাগে  
মুক্ত আকাশের নীচে প্রকাণ্ড যজ্ঞকুণ্ড। তাহার  
উজ্জল আলোকে চন্দ্রাতপের নিম্নস্থ  
কিয়দংশ উদ্ভাসিত হইয়া  
উঠিয়াছে ]

( নেপথ্যে গান গাহিতে-গাহিতে জনৈক ভিক্ষুকের প্রবেশ )

( গান )

কিসের করিস্ ভয়  
তোরা কিসের করিস্ ভয় ?  
ওই ঢেয়ে গাখ্ অভয় হাসি হাসছে জ্যোতির্ময় !  
হৃদীনে ওই চোখের জলে  
কাঁদছে সবাই দলে দলে,  
হাস্ছি আমি সুখের হাসি, নাই কিছু সংশয়।  
অন্ধকারে বাধা-বাড়ে  
একতারাটি বন্ধে ধ'রে—  
কেবল হাসি, কেবল নাচি—জয় মৃত্যুজয় ।

সবাই ঘৃণা করবে যারে  
 পরাই আমি মালা তারে,  
 ওদের যত জ্বালা আমার প্রাণের মাঝে রয় ।

( গানের শেষ চরণ মিলিয়া বাইবার পূর্বে গান শুনিতে-  
 শুনিতে কুশধ্বজের প্রবেশ । সে সবোমাত্র স্বান  
 শেষ করিয়া, মালা-চন্দনে ও বহুমূল্য নূতন লাল  
 পাট-কাপড়ে সুশোভিত । বিপরীত দিক্ হইতে যজ্ঞ-  
 কুণ্ডের উজ্জ্বল আগুনের ছটার তাহার সমস্ত দেহ  
 বলমূল্য করিতেছে । কুশধ্বজের পশ্চাতে রাজভৃত্যগণ )

**ভিক্ষুক ।**—ভিক্ষা দাও বাবা, আমি ভিক্ষুক !

**কুশধ্বজ ।**—এ কি ঠাট্টা করছো ভিক্ষুক ! দরিদ্র ব্রাহ্মণের  
 ছেলে আমি—তোমায় আমি কি ভিক্ষা দিতে পারি ? মাও,  
 ঐ মহারাজ ব'সে আছেন—তঁার কাছে যেয়ে ভিক্ষা চাও, খুসী  
 হয়ে বাড়ী ফিরবে ।

**ভিক্ষুক ।**—সে হয় না বাবা ! তাহ'লে যে, তুমিও এতক্ষণে  
 খুসী হয়ে বাড়ী ফিরে যেতে ! কই বাবা, তুমি তো খুসী হতে  
 পারোনি !

**কুশধ্বজ ।**—কেমন ক'রে বুঝলে আমি খুসী হতে পারিনি ?

**ভিক্ষুক ।**—বলছে তোমার চোখ-মুখ, বলছে তোমার  
 কথার স্বর । তা' যাক, তোমার কাছে কি কিছুই নেই বাবা ?

## কুশধ্বজ

**কুশধ্বজ ।**—তোমাকে দেবার মত আমার কিছুই নেই ।  
এই পোষাক-পরিচ্ছদ যা-কিছু দেখছো, এ সমস্তই রাজ-  
ভাণ্ডারের । আমার এতে কিছুমাত্র অধিকার নেই ।

**ভিক্ষুক ।**—আমায় মিথ্যা বলো না বাবা ! তবু তোমার  
একটা অমূল্য সম্পত্তি আছে—সেটি হচ্ছে তোমার প্রাণ । যার  
ভিতরে তোমার অনন্ত ভালোবাসা লুকানো আছে ।

**কুশধ্বজ ।**—ভিক্ষুক ! তোমার কথাগুলি হেঁয়ালীর মত,  
আমি পরিষ্কার বুঝতে পারছি না । আমার প্রাণের কথা বলছো  
তুমি ? আমার প্রাণের মালিক এখন এই যজ্ঞদেবতা বিষ্ণু—  
স্বয়ং লক্ষ্মীনারায়ণ । আমি তাঁকেই আমার প্রাণ নিবেদন  
করতে যাচ্ছি ।

**ভিক্ষুক ।**—তবে তাই করো বালক, তাই করো ।  
ভগবানের পায়ে প্রাণ ঢেলে দিতে যাচ্ছে, তবু তুমি ভিক্ষুক ?  
এ যে অসম্ভব কথা বালক ! না, না, তুমি ভিক্ষুক নও, তুমি এখন  
রাজরাজেশ্বর । বলো বালক, বলো—

ওঁ ধ্যায়েৎ সদা সৰ্ব্বভূমণ্ডল-মধ্যবর্তী নারায়ণঃ,  
সরসিজাসন-সন্নিবিষ্টঃ কেয়ূরবান্ কনককুণ্ডলবান্  
কিরীটি হারী হিরণ্যবপুঃ শ্বতশ্চাক্রকঃ ।

[ ভিক্ষুক ধীরে-ধীরে বলিতে লাগিল, কুশধ্বজ সেইসঙ্গে ধীরে-ধীরে  
তাহা আবৃত্তি করিয়া গেল ]

## কুশধ্বজ

ভিক্ষুক।—বলো বালক, জয় নারায়ণ মধুসূদন ! জয়  
লক্ষ্মীনারায়ণ হরি ! জয় গোবিন্দ মধুসূদন ! জয় লক্ষ্মীনারায়ণ  
হরি !

[ কুশধ্বজ মস্তাবিষ্টের ভ্রায় তাহা  
আবৃত্তি করিয়া গেল ]

ভিক্ষুক।—

( গান )

ধ্যান ভেঙে আজ শুনতে পেলাম  
ও কার প্রাণের গান !  
তাইতো আমি রইতে নারি  
আকুল করে প্রাণ ।  
ভক্ত যখন আকুল-ডাকে  
প্রাণের জন্যে ডাক্তে থাকে,  
গল্বে তখন কার্ঠীর হৃদয়,  
টল্বে আসনখান্ ।  
খোঁজ পেয়েছি সেই জনারে  
প্রাণ দিয়ে যে ডাক্তে পারে,  
আজকে হাতে ঘুচে যাবে  
সকল ব্যবধান,  
ধরায় নেমে আসবে এখন  
প্রেমের ভগবান্ ।

[ গাহিতে-গাহিতে চকিতের মধ্যে ভিক্ষুক অদৃশ হইয়া গেল ]

## কুশধ্বজ

**কুশধ্বজ** ।—একি আশ্চর্য্য ! কে এই ভিক্ষুক ?

**কুলগুরু** ।—[ তাঁহার আসন হইতে উঠিয়া অগ্রসর হইয়া ]-  
বালক কুশধ্বজ ! তোমার মহা সৌভাগ্য আজ । নিশ্চয়ই কোনো  
ভিক্ষুক-বেশী দেবতা আজ তোমাকে ধ্যানের মন্ত্র শিখিয়ে  
দিয়ে গেলেন । যাক্, এইবার প্রস্তুত হও বালক !

**কুশধ্বজ** ।—এক মুহূর্ত্ত, গুরুদেব ! শুধু ক্ষণকাল অপেক্ষা  
করুন, আমি জন্মের মত আমার মাতা-পিতাকে প্রণাম ক'রে  
নিই ।

[ কুশধ্বজ মাটিতে পড়িয়া প্রণাম করিল এবং  
অল্পক্ষণ পরেই করঘোড়ে অগ্নিকুণ্ডের দিকে অগ্রসর  
হইল ; কিন্তু অগ্নিকুণ্ড দেখিয়াই শিহরিয়া ভীত-  
ভাবে কহিল ]

মা ! মা ! আমার যে ভয় করছে মা ! কোথায় মা অভয়-  
দায়িনি ? কোথায় বিপদবারণ শ্রীমধুসূদন ? আমায় নির্ভর  
করো বাবা, আমায় সাহস দাও, বল দাও, শক্তি দাও !

হে নারায়ণ ! হে লক্ষ্মীনারায়ণ ! আমার মাকে সান্ত্বনা  
দিও প্রভো !—মা, মা আমার ! তুমি কি এতক্ষণে জানতে  
পেরেছো মা, যে, তোমার কুশে—তোমার বড় আদরের কুশধ্বজ  
আজ কেমনভাবে প্রাণ বিসর্জন করছে ? মাগো ! আমার

## কুশধ্বজ

পায়ে কাঁটা ফুটলে যে তুমি অস্থির হয়ে যেতে মা! কিন্তু আজ?—আজ তো তুমি আমাকে রক্ষা করতে পারছো না!

রক্ষা! কে রক্ষা করতে পারে?—রাজ্যের রক্ষক রাজা আজ আমাকে আগুনে আহুতি দিচ্ছেন; বিশ্বের রক্ষক স্বয়ং বিষ্ণু ও লক্ষ্মীনারায়ণ আমাকে গ্রহণ করছেন, তবে কে আর আমাকে রক্ষা করতে পারে?

জয় বাবা লক্ষ্মীনারায়ণ! তোমারই ইচ্ছা পূর্ণ হোক।  
আমায় সাহস দাও বাবা! আমার যে বড় ভয় করছে!  
লক্ষ্মীনারায়ণ! আমায় গ্রহণ করো তুমি—

ওঁ ধ্যায়েৎ সদা সবিতৃমণ্ডল-মধ্যবর্তী নারায়ণঃ,  
সরসিজাসন-সন্নিবিষ্টঃ কেয়ূরবান্ কনককুণ্ডলবান্,  
কিন্নীটি হারী হিরণ্যবপুঃ ধৃতশৰ্ম্মচক্ৰঃ ।

[ কুশধ্বজ চক্ৰ মূদ্রিত করিয়া করঘোড়ে  
প্রণাম করিল এবং পশ্চাতের দিকে  
তাকাইয়া কুলগুরুকে কহিল ]

আমি যে নিজেকে পেরে উঠছি না গুরুদেব! কাউকে আদেশ  
করুন, আমাকে পেছন হতে থাকা মেরে অগ্নিকুণ্ডে ফেলে দিক।  
আমি ততক্ষণ আমার দেবতাকে ডাকতে থাকি।

## কুশধ্বজ

কোথায় ? কোথায় তুমি লক্ষ্মীনারায়ণ ? আমায় সাহস  
দাও । তোমার কোলে স্থান দাও বাবা ! আমায় গ্রহণ করো  
নারায়ণ ! লক্ষ্মীনারায়ণ ! জয় লক্ষ্মীনারায়ণ !

[ কুলগুরুর ইচ্ছিতে হঠাৎ রাজভৃত্যগণ ধাক্কা দিয়া কুশধ্বজকে  
দৃষ্টিয় বহির্ভাগে অগ্নিকুণ্ডের মধ্যে ফেলিয়া দিল ]

কুশধ্বজ ।—[পড়িবার সময় ক্ষীণস্বরে] বাবা লক্ষ্মীনারায়ণ !

[ কুশধ্বজ অদৃশ্য হইয়া গেল ]

নারায়ণ —[ নেপথ্যে ] আয়রে বাপ্ ! বাপ্‌রে আমার !

[ যজ্ঞস্থল সহসা উজ্জল আলোকে উদ্ভাসিত হইয়া উঠিল ।  
কুশধ্বজকে কোলে লইয়া জ্যোতির্ময় নারায়ণের আবির্ভাব ]

আমি যে সারাটি দিন শুধু তোমাই জন্ম এই আগুনের মাঝে  
বসে আছি বাপ্ ! ভয় কি ! ভয় কিরে তোমার কুশধ্বজ !

[ সভাস্থ সকলেই বিস্মিত ও নির্বাকভাবে পরস্পরের মুখের  
দিকে তাকাইতে লাগিল । ]

নারায়ণ ।—[ রাজার প্রতি ] মহারাজ !

পেরিপূর্ণ যজ্ঞ তব আজ,

তৃপ্ত তব সর্ব পিতৃকুল । যাও ত্বর

নিয়ে কুশধ্বজে পুত্রহার্য জননীর পাশে ।

## কুশধ্বজ

[ কুশধ্বজের প্রতি ]

টাদের লাবনি মাখা বাহনি আমার,  
ওরে ভক্ত শিশু কুশধ্বজ ! যাও ত্বর  
জননীর বুকে । দরিদ্র কুটীর তব  
সুখ-হাসি-সম্পদের অতুল বিভায়  
গরবে উজল হোক করি আশীর্বাদ !

[ কুশধ্বজকে রাখিয়া নারায়ণের অন্তর্ধান ]

যযাতি ।—[ ছুটিয়া আসিয়া ] কুশধ্বজ ! একি আশ্চর্য্য  
ব্যাপার ! সার্থক জন্ম তোমার বালক ! ধন্য, ধন্য তুমি ! ধন্য  
তোমার মাতা-পিতা !

মন্ত্রী ।—[ কুশধ্বজকে কোলে লইয়া ] এসে। বালক !  
মহারাজ ! অশ্রুমতি করুন—বাপ-মায়ের বুক থেকে ছিনিয়ে  
যাকে আমি নিয়ে এসেছিলাম, আমিই আবার তাকে সেই  
বাপ-মায়ের বুকে রেখে আসি ।

কুলগুরু ।—মহারাজ ! সারাজীবন যোগ-তপ করেও  
আমরা যাঁর সাক্ষাৎ লাভ করতে পারিনি, এই বালক কুশধ্বজ  
তা' অনায়াসে করেছে । এমন বালকের সংস্পর্শে আজ আমরা



## কুশধ্বজ

ধন্য, আমাদের রাজসভা ধন্য এবং সমগ্র অযোধ্যাপুরী আজ পবিত্র তীর্থে পরিণত হয়েছে !

[ জনৈক প্রতiharীর প্রবেশ ]

প্রতiharী ।—[ অভিবাদন করিয়া ] মহারাজ ! এই নালককে অন্তঃপুরে পাঠাবার জন্য মহারানী অনুরোধ জানিয়েছেন ।

রাজ-পুরোহিত ।—হ্যাঁ মহারাজ ! আজ সকলেই একে দেখবার জন্য, এর সঙ্গে পরিচিত হবার জন্য ব্যাকুল হয়ে উঠেছে । আজ কারও আকাঙ্ক্ষাই অতৃপ্ত রাখা উচিত হবে না ।

কুশধ্বজ ।—আমি মা'র কাছে যাবো মহারাজ ! মা'র জন্য আমার মন বড় অস্থির হয়ে উঠেছে । দয়া ক'রে আমাকে আমার মা'র কাছে পাঠিয়ে দিন । মা বোধহয় এতক্ষণে কেঁদে-কেঁদে পাগল হয়ে মাথা খুঁড়ে মরছেন !

বযাতি ।—কোনো ভয় নেই বাপ্ । আমি এখনই তোমাকে পাঠিয়ে দিচ্ছি । শুধু এক মুহূর্তের জন্য তোমাকে আমার রানীর কাছে যেতে হবে, তারপর তুমি তোমার মায়ের বুকে হাসিমুখে ফিরে যাবে ।

## কুশধ্বজ

মন্ত্রী ।—ফিরে যাবে, কিন্তু মহারাজ, নিয়ে যাবো আমি ।  
মৃত্যুর মুখে নিয়ে আসবার কালে এই হতভাগ্য বৃদ্ধ মন্ত্রী কাজে  
লেগেছিল ; স্মৃতরাং মায়ের ছেলে মায়ের বুকে দেবার সময়  
তা' কাজে লাগবে না কেন ? আমি তোমাকে নিয়ে যাবো  
কুশধ্বজ ! আর ব'লে আসবো তোমার বাপ-মাকে যে,  
কেমন ক'রে স্বয়ং নারায়ণ এসে তোমাকে ফিরিয়ে দিয়ে  
গেছেন ।—সেই ছোট পাড়াটিতে আমি একটা আনন্দের তুফান,  
ভক্তির বন্যা বইয়ে দিয়ে আসবো কুশধ্বজ !

মহারাজ !—আমাকে এ গৌরব হতে বঞ্চিত করবেন না,—  
এই আমার শেষ অনুরোধ ।

## উজ্জ্বল দৃশ্য

[ কুশধবজকে লইয়া ঋষি-বালকগণের প্রবেশ ]

( গান )

আয়রে কুণী, বেজায় খুসী,  
মনটা সবার ভাই,  
তোর পরশে আজকে মোরা  
ধন্য হয়ে যাই ।

আয়রে সবাই দলে দলে,  
ফুলের মালা পরাই গলে ;  
চন্দনে আজ সাজাই ওরে—  
বন্দনা ওর গাই ।

বয়সে ও সবার ছোট—  
আজকে সবার বড়—  
সাজাও ওরে রাজার সাজে,  
পায়ে প্রণাম কর ।

ওরে কুণী, এদিকে আয়,  
তোর নামে আজ পরাণ মাতায়,  
মরদেহে তুই অমর হ'লি  
সন্দেহ তার নাই ।

[ ষষ্ঠিকা পঠন ]

